

म्हाने खाटू माही बुला ले | By Bulbul Agarwal

याद करां थारी बातां ने, नींद ना आवे रातां ने
म्हाने खाटू माहि बुला ल्यो जी श्याम धणी

पंख जो होता म्हारो बाबा खाटू में उड़ आतो जी
व्याकुल मन ने श्याम धणी में थारो दर्श करातो जी
दिखलाओ दातारी थे, सुणल्यो अर्जी म्हारी थे
म्हाने खाटू माहि बुला ल्यो जी श्याम धणी

रो रो थारी याद में दाता आंख्यां दुखन लागी हैं
कद होसी म्हारे श्याम का दर्शन मन मा या ही लागी है
नैणा माहि नीर बहे, बांध्या भी ना धीर बंधे
म्हाने खाटू माहि बुला ल्यो जी श्याम धणी

थाने बिन देख्यां ओ बाबा चैन कटे भी आवे ना
बाबा थारी याद या म्हारी जान कदे ले जावे ना
क्यूँ ना दर्शन दिख्लावे, माधव ने यूँ तरसावे
म्हाने खाटू माहि बुला ल्यो जी श्याम धणी

<https://bhaktivandana.com/lyrics/%e0%a4%ae%e0%a5%8d%e0%a4%b9%e0%a4%be%e0%a4%a8%e0%a5%87-%e0%a4%96%e0%a4%be%e0%a4%9f%e0%a5%82-%e0%a4%ae%e0%a4%be%e0%a4%b9%e0%a5%80-%e0%a4%ac%e0%a5%81%e0%a4%b2%e0%a4%be-%e0%a4%b2%e0%a5%87-by-bulbul-aga/>